



Publicaziuns dalla vischnaunca, jamna 39

Damonda da baghegiar

2017-1062.000

Datum dalla publicaziun: Ils 29 da settember 2017

Il patrun: Repower AG, Glennerstrasse 22, 7130 Ilanz

Il proprietari: Daniel Deflorin, Via Faltscharidas 19, 7180 Disentis/Mustér

Il representant: Casutt Wyrsh zwicky AG, Via Principala 45D, 7153 Falera

Object: Nischa cun ina cabina d'electricitad sin parcella 1718, Via Alpettas, 7180 Disentis/Mustér

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil re current ni da siu representant.

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2017 – 1047.000

Annalisa Giger-Sialm, Via Alpsu 4, 7180 Disentis/Mustér; construcziun d'ina terrassa nova, parcella 729, Via Alpsu 1, 7180 Disentis/Mustér.

Uffeci da baghegiar Disentis/Mustér

Taxa da cumpensaziun da pumpiers 2017

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun.

Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents tut ils **students ed emprendists sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard gliendisdis, **ils 2 d'october 2017** all'administraziun communal, caum postal 57, 7180 Disentis/Mustér ni per e-mail (galbin@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal



Vischnaunca Disentis/Mustér
Revisiun parziala dalla planisaziun locala
Exposiziun da recuors

En applicaziun d'art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertuccont la revisiun parziala dalla planisaziun locala dalla vischnaunca da Disentis/Mustér, la quala ei vegnida approbada ils 8 da zercladur 2017 entras il cussegl da vischnaunca ed ils 24 da settember 2017 entras la votaziun dil pievel.

Intent: Colligaziun dils territoris da skis

Acts d'exposiziun:

Plan da zonas 1:5000/Plan general d'avertura 1:5000 Rapport da planisaziun e cooperaziun (rapport da planisaziun e cooperaziun cun las explicaziuns per l'adattaziun dil plan directiv cantunal e dil plan directiv regional dalla Surselva en cumbinaziun cul rapport da planisaziun e cooperaziun per l'adattaziun dalla planisaziun d'utilisaziun ellas vischnauncas da Disentis/Mustér e Tujetsch)

Termin a publicaziun: 30 dis (naven dils 29 da settember entochen ils 30 d'october 2017)

Liug da publicaziun:

Casa communal (stanza 10), Via Cons 2, 7180 Disentis/Mustér, durant las uras da spurtegl (tel. 081 920 36 36)

Recuors da planisaziun:

Persunas che han in agen interess digns da vegnir protegius vid ina contestaziun dalla planisaziun ni ch'ei'n legitimadas leutier tenor dretg federal, san inoltrar alla regenza grischuna enteifer 30 dis dapi il datum da publicaziun a scret in recuors da planisaziun encunter la planisaziun locala.

Organisaziuns digl ambient:

Organisaziuns digl ambient exerciteschan lur dretg da recuors tenor art. 104 alinea 2 dalla lescha cantunala davart la planisaziun dil territori, q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inolteschan silsunter eventualmein ina posiziun. Disentis/Mustér, ils 25 da settember 2017

Suprastonza communal Disentis/Mustér

Plan da quartier Chischliun (Disentiserhof)

Conclus concernent l'introducziun dalla procedura

- davart l'aboliziun dil plan da quartier Chischliun cun excepziun dallas cumparts pertuccont il regruppament da terren
- davart l'introducziun dalla procedura per in regruppament da terren
- davart l'introducziun d'ina procedura pil plan da quartier ed il regruppament da terren Disentiserhof.

La suprastonza communal da Disentis/Mustér ha en sia seduta dils 25 da settember 2017 decidu (extract ord il dispositiv cefra 3–7):

3. a) L'aboliziun dil plan da quartier Chischliun cun excepziun dallas cumparts pertuccont il regruppament da terren vegn introducida e quei tenor igl intent stipulaus ella declaronza d'intenziun; aboliziun formala (materialmein per gronda part gia aboliu ils 14 d'october 1996) dil plan da quartier Chischliun 1977/1980/1989 cun excepziun dallas cumparts actualas dil regruppament da terren.

b) Igl intsches dil plan da quartier Chischliun actual pertucca las parcelas, 917, 918, 919, 936, 993, 994, 995, 996, 997, 998, 999, 1000, 1001, 1002, 1005, 1006, 1007, 1008, 1011, 1012, 2298, 3002 e 3033 tenor il plan exponiu.

4. a) La procedura davart il regruppament da terren Chischliun vegn cheutras introducida cun suandont intent: Detretschament/coordinaziun dallas damondas d'avertura el vest dalla zona speciala Disentiserhof concernent il niev intsches pil plan da quartier Disentiserhof (mira cefra 5 da questa publicaziun) sco era la cumpletaziun d'averturas insufficientas, specialmein:



- Abolir prevedentamein tuttas servituds per grevezia dallas parcelas 919, 1000, 1001 e 1002 (concernent la definiziun da servituds novas cumpareglia cefra 5 tenor il text suandont);
- Scaffir in'atgna parcella privata per la Via dils Larischs e transferir quella en cumproprietad dallas parcelas colligiadas cun la Via dils Larischs;
- Cumplesar/curreger/abolir tenor basegns reglamentaziuns existentas concernet l'avertura ordeifer las parcelas 919, 1000, 1001 e 1002.
- b) Igl intschess da procedura pertucca las parcelas 914, 915, 916, 917, 918, 919, 936, 993, 994, 995, 996, 997, 998, 999, 1000, 1001, 1002, 1005, 1006, 1007, 1008, 1011, 1012, 2294, 2295, 2296, 2297, 2298, 2501, 3002, 3033 e 3645 tenor il plan exponiu.
- 5. a) La procedura pil plan da quartier ed il regruppament da terren Disentiserhof vegn cheutras introducida cun suandont intent: realisaziun digl uorden da nez tenor art. 28 LB incl. coordinaziun cul regruppament da terren tenor cefra 4, specialmein:
 - Regruppament da terren tenor art. 28 al. 5 LB
 - Reglamentaziun dall'avertura dil quartier
 - Reglamentaziun dil transferiment da nez (aGF/aGSF)
 - Reglamentaziun concernent sutpassar las distanzas da cunfin/construir ensemen baghetgs
 - Reglamentaziun nova/remplazzament da singulas servituds abolidas tenor cefra 4, aschinavon che quei ei indicau (numnadamein p. ex. deplazzar ils parcadis ordeifer igl areal da hotel e da cura).
- b) Igl intschess cumpigliau pertucca la parcella 919 (reducida per la cumpart dalla Via dils Larischs; cumpareglia cefra 4) e las parcelas 1000, 1001 sco era 1002 (reducida per la cumpart dalla Via dils Larischs; cumpareglia cefra 4) tenor plan exponiu.
- 6. Ils cuosts concernet il conclus d'introducziun vegnan teni a quen als cuosts dalla procedura tenor las clavs da repartiziun che vegnan relaschadas el rom dils pass dalla procedura che cuntinuescha.
- 7. Encunter quei conclus sa vegnir recurriu enteifer 30 dis dapi la comunicaziun alla dertgira administrativa dil cantun Grischun.

Suprastonza communal Disentis/Mustér

Resultat dalla votaziun communal dils 24 da settember 2017

Votaziun Communal

Diember dils votants	1522	
Participaziun alla votaziun	51.4%	
Revisiun parziala dalla planisaziun locala concernet l'adattaziun dil plan da zonas per la colligiaziun dils territoris da skis Sedrun–Disentis/Mustér (pendiculara Salins–Cungieri–Cuolm da Vi)		
Dau giu cedels	782	
Cedels vits	8	
Cedels nunvaleivels	6	
Total cedels vits e nunvaleivels	14	
Cedels valeivels	768	
Gie	636	83%
Na	132	17%

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter la votaziun communal dils 24 da settember 2017 enteifer treis dis dapi ch'il motiv da recuors ei vegnius constataus, sil pli tard denton il tierz di suenter la publicaziun uffiziala dils resultats. Il recuors ei d'inoltrar alla suprastonza communal.



Colonna d'agid Mustér

Cuors da reiver per affons

Gia dapi biars onns organisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn, organisau duront otg seras mintgamai la mesjamna in cuors da reiver per affons dallas annadas 2005–2009.

Liug: Halla da reiver el Center da sport e cultura, Mustér

Entschatta: mesjamna, ils 25-10-2017 entochen miez december 2017 Annadas 2005 entochen 2009
17.30–19.00

Menaders: Commembers dalla Colonna d'agid Mustér cun brevet Giuventetgna e sport

Annunzias: Entochen gliendisdis, ils 23-10-2017 alla Colonna d'agid Mustér, Otmar Venzin,
tel. 079 381 25 52

Segirada ei caussa da mintga participont/a.

Colonna d'agid Mustér

Naschientscha

Luisa Flepp, naschida ils 16 da settember 2017 feglia da Claudia e Manuel Flepp

Rimnada da pupi

Venderdis, ils 6-10-2017

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon).

Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada. Bien engraziament per Vies agid e sustegn!

Scolas Mustér, Ch. Berger

Uniun da gimnastica da dunnas Mustér

Frauenturnverein Disentis

Die nächsten Daten für das **Line-Dance**-Angebot einmal im Monat lauten wie folgt:

Donnerstag, 5. Oktober, 2. Nov., 30. Nov. 2017, um 19.15 Uhr im Center da sport e cultura in Disentis.

Wir laden alle Tanzbegeisterten ein, bei uns hereinzuschauen. (Tel. 079 672 50 46)

Frauenturnverein Disentis

Las datas per nossa purschida **Line-Dance** ina ga per meins ein:

Gievgia, ils 5 d'october, 2 e 30 da november 2017, allas 19.15 uras el Center da sport e cultura Mustér.

Nus envidein tuttas interessadas pil sault – vegni tier nus en halla da gimnastica! (tel. 079 672 50 46)

El num dalla uniun da gimnastica da dunnas Mustér



Referat: Acziun pacs da Nadal

Tgei ei schabegiau cun ils ca. 230 pacs ch'ei vegni rimnai il november 2016 en nos vitgs? Michael Stauffer dalla Ostmission raquenta sur dalla distribuziun dils pacs e co els han purtau ventira e speranza.

Margis, ils 3 d'october allas 19.30

Casa Cumin/Rathaus Ilanz

Cordialmein envida Team acziun pacs da Nadal (Mira era annunzia sin tabla nera.)

Cuors agid d'urgenza

L'uniun samaritana Mustér organisescha in cuors d'agid d'urgenza.

Datum: **Venderdis, ils 13 d'october**, 19.30–21.30

Sonda, ils 14 d'october,
8.30–12.00/13.00–17.30

Liug: Casa da scola, Mustér

Annunzias: Ein da far entochen ils 4 d'october 2017 tier:

Martina Giger, tel: 079 299 36 13

e-mail: martina.casanova@gmx.ch

Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug **mardis, ils 17 d'october 2017** naven dallas 19.30 el hotel «La Furca». Era novizs che vulan emprender da dar troccas ein cordialmein beinvegna. Cordialmein envidan

Gion Michel Flepp, Marco e Romeo Schmed
